

**BOSNA I HERCEGOVINA
FEDERACIJA BOSNE I HERCEGOVINE
SREDNJOBOSANSKI KANTON/KANTON SREDIŠNJA BOSNA
OPĆINA TRAVNIK
NA Č E L N I K**

Broj:09-05-10-4-161-3/10
Datum:09.07.2010. godine

Na osnovu člana 4. stav 3. Pravilnika o kriterijima , postupku i načinu usklađivanja, registracije i ovjere redova vožnje te sadržaju i načinu vođenja registra („Službene novine Federacije BiH“ broj 79/06) i Rješenja o pokretanju postupka redova vožnje na općinskim linijama broj:09-05-10-4-161/10 od 09.07.2010. godine, Komisija za usklađivanje redova vožnje za registracioni period 2010. - 2013. godina na području općine Travnik

**O B A V J E Š T A V A
P R I J E V O Z N I K E**

Rješenjem Službe za razvoj, privredu i vanprivredu Općine Travnik broj 09-05-10-4-161/10 od 09.07.2010. godine pokrenut je postupak usklađivanja redova vožnje u linijskom prijevozu putnika za općinske linije za regfistracioni period 2010. - 2013. godine.

Uz zahtjev za usklađivanje redova vožnje i registraciju redova vožnje potrebno je dostaviti:

I Prijedlog redova vožnje

Prijedlozi redova vožnje koji se dostavljaju na usklađivanje moraju biti urađeni na propisanim obrascima iz Pravilnika o kriterijima , postupku i načinu usklađivanja, registracije i ovjere redova vožnje te sadržaju i načinu vođenja registra („Službene novine Federacije BiH“ broj 79/06) te usaglašeni sa daljinarom i minimalnim vremenima vožnje (daljinar i minimalna vremena vožnje - na uvid kod tehničkog sekretara Komisije , soba broj 22).

II Dokaz o uplati utvrđenih naknada za provođenje postupka usklađivanja redova vožnje - originalne uplatnice (primjerak uplatnice ovjeren od nadležne komercijalne banke).

III Dokaze o ispunjavanju uslova za obavljanje linijskog prijevoza osoba u unutarnjem cestovnom prometu (član 6. Pravilnika)

1. ovjerene kopije saobraćajnih dozvola ili ovjerene kopije vlasničkih knjižica za prijevozne kapacitete prijevoznika sa rješenjem da vozila ispunjavanju propisane tehničko – eksploatacione uslove izdate od Ministarstva privrede/gospodarstva SBK/KSB u Travniku (da rješenja nisu starija od 1 godine)
2. potreban broj isklaznica za vozače koji će vršiti prijevoz
3. rješenje o ispunjavanju uslova za dobijanje licence „A“ (odobrenje za bavljenje linijskim prijevozom putnika izdato od Ministarstva privrede/gospodarstva SBK/KSB u Travniku)

4. dovoljan broj licenci „A“ za vozila kojima će se vršiti prijevoz koje su izdate od Ministarstva privrede/gospodarstva SBK/KSB u Travniku
5. ovjerene kopije redova vožnje registrovanih kod drugih ministarstava, odnosno općinskih službi
6. potvrdu izdatu od strane nadležne Porezne uprave da prijevoznik ispunjava uslove u pogledu plaćanja javnih prihoda
7. potvrdu izdatu od nadležnog Fonda PIO/MIO da preduzeće ispunjava uslove u pogledu plaćanja doprinosa za uposlene
8. ugovor o kooperaciji koji treba sadržavati sljedeće elemente:
 - a) režim i način održavanja linije od strane kooperanta
 - b) način formiranja cijena
 - c) i druge ovjerene elemente ovjerene od strane svih kooperanata
9. ovjerenu kopiju zaključenog ugovora ili police o osiguranju putnika od nesretnog slučaja

Naknade za postupak usklađivanja i registraciju redova vožnje utvrđene su u sljedećim iznosima :

- Za stari red vožnje 60,00 KM za svaki polazak i 60,00 KM za svaki povratak
- Za stari red vožnje sa promjenom 120,00 KM za svaki polazak i 120,00 KM za svaki povratak
- Za novi red vožnje 300,00 KM za svaki polazak i 300,00 za svaki povratak

Uplate naknada za postupak usklađivanje i registraciju redova vožnje mogu se izvršiti na depozitni račun Općine Travnik broj: 3380002210001221, vrsta prihoda 722431 kod Uni Credit Bank d.d. sa naznakom „ **naknada za usklađivanje redova vožnje na općinskim linijama**“

U postupak usklađivanja i registracije neće biti uvršteni:

- Redovi vožnje koji nisu urađeni u skladu sa ovim Pravilnikom
- Redovi vožnje koji su neblagovremeno dostavljeni
- Redovi vožnje prijevoznika koji nije dostavio dokumentaciju iz člana 6. Pravilnika
- Redovi vožnje prijevoznika koji nije dostavio dokaz o uplati propisanih naknada za provođenje postupka usklađivanja i registracije redova vožnje
- Redovi vožnje bez prometnog smisla

Zahtjeve sa propisanom dokumentacijom zainteresovani prijevoznici dužni su dostaviti najkasnije do 31.08.2010. godine (UTORAK) do 15,00 sati.

Zahtjevi se podnose u zapečaćenoj koverti na adresu:

OPĆINA TRAVNIK
Služba za razvoj, privredu i vanprivredu
KOMISIJA ZA USKLAĐIVANJE REDOVA VOŽNJE
Sa naznakom „NE OTVARAJ“

O mjestu i vremenu održavanja sastanka na kome će se izvršiti javno otvaranje koverti i održavanja sastanka na kojem će se izvršiti usklađivanje redova vožnje, prijevoznici će biti blagovremeno obaviješteni.

POMOĆNIK NAČELNIKA

Amira Delilbašić, dipl.ecc.

N A Č E L N I K

Tahir Lendo, dipl.ing.